



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Richardi Arsdekin Soc. Jesu Sac. Theol. Professoris.
Theologia Universa**

Archdekin, Richard

Dilingae, 1687

Caput VII. Indulgentiæ quædam Missionibus propriæ.

urn:nbn:de:hbz:466:1-38477

III. An in Ecclesiis Seminariorum Societatis ubi variarum Nationum Alumni degunt, possit haec Indulgentia validè ac licite celebrari?

Respondet *Quintan. ibidem*, id probabilissimum videri. Quia illæ sunt verè Ecclesiæ Societatis. Et quia illæ Seminaria sunt simul Collegium, Domus, & habitatio Religiosorum Societatis, ut alia ejus Domicilia, quod ibidem fuisse declarat: quamvis de Ecclesia principali res haec certior habenda.

IV. An possit haec Indulgentia Com. Gen. à Societate celebrari in Ecclesia seculari, & quid ad hoc requiratur?

Resp. ad I. affirmative. Constat hoc ex tenore concessionis qui sic pergit: *Christi Fidelibus qui aliquam Societatis fæsi, vel quacumque alias secularem Ecclesiam ubicumque existentem, unâ ex Dominicis cuiuslibet mensis, &c. visitaverint, & tis Dominicis in predictâ Ecclesiâ Eucharistie Sacramentum sumperferint, &c.*

Ad secundum, pro Ecclesia seculari in particulari deligenda, requiritur designatione Superioris principalis Societatis istius loci ubi Ecclesia secularis deligitur, & consensus Ordinarii &c. ut exprimitur in hac Concessionis clausula: *Et quoad Ecclesiâ seculari de licentia Ordinariorum locorum, illarumque Reatorum consensus agitur &c.* Circa haec plurima in particulari fuse elucidat *Quintan. supra, Appendix Dub. 7. & 8. pag. 277. &c.*

CAPUT VII.

Indulgencie quedam Missionibus propria.

Nota. Ut aliquis gaudeat privilegiis Missionarii, requiritur ut legitimo Superiori Missionis titulo definetur ad terras infidelium, vel hereticorum: non sufficit autem ut quovis modo in terris illis Pastoris aut Sacerdotis munus exerceat. Praxis hic haberet Sacerdotes idonei, qui è Belgio v.g. in Hiberniam transeunt, pro quibusdam Missionariorum facultatibus ad Internuntium recurrent.

Primo itaque, Missionarii Regulares profecturi non tantum ad infideles, sed etiam ad partes hereticorum v.g. in Hiberniam, Angliam, aut Hollandiam, lucrantur Plenariam omnium peccatorum Indulgentiam quando per celebrationem Missæ, aut sacram Synaxim iterum primò se accingunt: & iterum quando ad Missionis suæ locum pervenerunt. Concessit Paulus V. in Bulla edita anno 1606. §. 12.

II. Possunt iidem Missionarii post Concionem suis Auditoribus concedere Indulgencias 18. annorum & dierum 22. Item per Quadragesimam Feriæ 2. 4. & 6. largiti Indulgencias 156. annorum: uti pater ex Bullis Gregorii IX. Alexandri IV. Nicolai IV. quæ citantur in Comp. Minorum de Indulg. fol. 242.

III. Habent etiam plurimi Indulgentiam Altaris privilegiati, id est, ut quoties legunt Missam pro defunctis, toties liberent unam animam ē purgatorio: uti variis concessit Urbanus VIII. & pro suis sibi obtinuit, & obtinet Prepositus Generalis Societatis.

IV. Possunt concedere singulis quos ad fidem converterunt, præmissa Sacramentali confessione, Indulgentiam plenariam. Idem Urbanus VIII.

V. Regulares in Missionibus possunt fidelibus communicare, & publicare easdem Indulgencias quas

habent in partibus Catholicorum. Ita expresse declaravit Urbanus VIII. in Bulla, *Saluatoris*, datâ pro Clero & Religiosis Missionariis in fœderatis Belgii Provinciis die 5. Maji 1626. Et postea confirmata ab Alexander VII. per suum Breve 20. Septembbris 1656. ubi sic habetur §. 17. *Quoad publicationem Indulgenciarum, poserunt Regulares & Parvæ Societatis illas publicare quæ Ordines & Societas habent, & hæc tenus habent ubique rerum, &c.*

VI. Possunt etiam concedere Indulgencias Confraternitatum, & easdem in Missionibus instruere: in eadem Bulla declaratur §. 18. his verbis: *Quæ institutionem Confraternitatum & Sodalitatum permettunt Vicarius Regularibus, & Parvibus Societatu, illæ que à Sede Apostolica approbata, & ab Ordinibus assignatae sunt: ita tamen ut nemo astrinxatur & tenetur ad particulares Confessarios, vel ad Sacraenta ab Ordine solum percipienda.*

VII. Refertur concessio Urbani VIII. anno 1626 facta Missionariis Ordinis Minorum, ut possint per Hiberniam concedere omnibus existentibus ingredi plenariam Indulgentiam in omnibus Festis prima, & secundæ Classis, & in mortis articulo, modo teneat in anno plenarium vite sua confessionem instruere. Hanc si durat participant Patres Predicatores & ali quibus competit privilegiorum communica it, non specialis restringere acceperit.

VIII. Concessum est insuper Missionariis Societatis in Anglia, Hibernia, & Scotia anno 1580. Aprilis, ut omnes Catholici pro prima vice quæ licet Eucharistiam de coram manibus accepterint, lucrarentur Indulgentiam plenariam.

Item, semel singulis mensibus in Templo, aut celo Patrum Societatis Die Dominicæ ab ipsis dignanda communicando, omnibus Christi fidelibus concedetur Indulgentia plenaria pro vivis, aut defunctis, sic ut possint animam à purgatorio liberare, vel sibi plenariam Indulgentiam lucrari. Et hæc Indulgentia singulis septentriis à Sede Apostolica reservari solet. Quando Societas habet duas Ecclesiæ eandem Urbem posse hanc Indulgentiam utrobique obtinere, cum *Hantino*, & *Quintanaduena*, exinde & deducit GOBAT de Indulgencie Cap. 27. Novem. ut supra dictum pag. 173.

IX. Omnes Christi fideles verè Penitentes, & confessi, aut propositum habentes confitendi temporibus à Jure constitutis, qui visitaverint Ecclesiæ, & alia pia loca Societatis in diebus Nativitatis, Circumcisio, Epiphaniae, Corporis Christi, nec non diebus Veneris & Dominicis totius anni, ac Quadragesimalibus usque ad octavam Paschæ, & imprimis Pater & Ave recitaverint, & Verbum Dei in illis prædicetur, devotè audierint, septem annos & totidem quadragesinas de injunctis eis Penitentes consequentur. Paulus III. in Compend. Privil. Soc. §. 24.

In Festo autem Circumcisionis quemcumque locum ad hoc designatum, ubi aliqui Societatis habentur, visitantibus, & quinque Pater & Ave recitantibus pro Ecclesiæ exaltatione, &c. concedetur Indulgentia plenaria in forma Jubilei à Gregorio XIII. ibidem pag. 188. & à Paulo III. pag. 49.

Gregorius XV. in Bulla, quæ incipit, *Pietatis*, concedit Societati ubivis locorum pro docentibus, discentibus, & promoventibus in Catechismis doctrina-

nam Christianam, Plenariam Indulgentiam semel in anno Die Fefto ab Ordinario designatio, in loco ubi doctrina Christiana traditur, ritè confessis & S. Eucharistia refectis. Item, Indulgentiam plenariam in mortis articulo, corde contrito saltem nomine Iesu invocando. Item, sumentibus SS. Eucharistiam singulis mensibus Indulgentiam 7. annorum & totidem quadragenas. Qui vero curabunt ut alii pueri, famuli &c. ad Catechesim accedant, ducentes dies Indulg. lucrantur. Et qui in diebus statuum Urbis Catechesim docuerint, aut discent, lucrantur Indulgientias stationum; quibus & aliis in ciuitate Bulla adjiciuntur.

Paucas pro notitia Fidelium Indulgientias, easque ex certioribus recensui, quas tamen omnes decrevit Apostolicis conformari cupio. De cetero Curatores animarum tam seculares, quam Regulares in Missionibus plures habent Indulgientias suo vel Ordini, vel Ecclesie attributas prout eas à Sede Apostolica obtinerunt.

NOTA.

UT securius & majori cum notitia tam in praeditis, quam in reliquo Indulgientiarum omnium usu procedatur, commodum sane singulariter me facturum arbitror, hic inferendo ex Romano exemplari postremum Sacra Congregationis Decretum à Romano Pontifice moderno probatum, & mandatum inviolatè servari anno 1678. ex quo authenticè, & in particulari colligi poterit, quānam Indulgientiae sint abrogatae, aut reprobatae, & inde vera, & prorogatae facilius discerni; in quo passim plurimi dubiis maximis implicantur.

DECRETUM

De Indulgentiis recenter editum anno 1678.

Delate sapienter ad Sacram Congregationem Indulgientias, Sacrisque Reliquis praepositam, Indulgientias quedam confitit. & omnino false, quo per diversas utrius Christiani partes circumferuntur: alio vero exanimande, que adhibito studio inventa sunt vel Apocryphe, vel à Romanis Pontificibus revocate, vel nulle, quod datum sis tempus praevisisset: quarum quidem plurime, cum non facilius cognoscere habeant Christi fideles, hanc verum minus peritos fallunt, qui sive Indulgientia, remissionisque peccatorum suorum consequenda frustantur. Quam ob rem eadem Sacra Congregatio vehementer sapienter huic malo magis indies serpenti occurvare, humarum profectus & Indulgientiarum dignitati conflatore, plures illarum singulare diligentia colligunt, & in Indicem referri curavint.

Tales imprimiti sunt illae, ut afferunt, concessa à Joanne II. & Sixto IV. recitantibus Orationem charitatis Iesu Christi Domini nostri, Precor te, piissime Domine, &c. Ab Urbano II. Ecclesia Sanctæ Mariae, ut vulgo dici solet, Compagnola, & Sanctæ Victoriae, ab Eugenio III. Revelationi deplaga in humero Iesu Christi factæ S. Bernardo, ab Innocencio III. Archi-Confraternitati, & Ordini Redemptorium, à Bonifacio IX. visitantibus Capellam Sancti Nicolai de Tolentino in ejus Fefto. A Joanne XXII.

osculantibus mensuram plantæ pedis Beatae Mariæ Virginis. Ab Alexandro VI. imagini Beate Marie, vulgo dicta Lagherri, A Leone X. gestantibus funiculum Sancti Francisci, primum in Urbe impressæ, deinde Mediolani anno 1663, suas tamen habent (& veras Confratres Archi-Confraternitatis Cordigerorum Sancti Francisci) recitantibus salutationem Angelicam ad pulsum horologij, & imagini conceptionis Mariæ Virginis Immaculatae in circulo depictinge cuius pedibus luna subiecta est, A Pio IV. vel Pio V. Principi Senarum, A Clemente VIII. dicentibus Orationem, o Magnum Mysterium, & Ecclesie Sancte Mariae, quam vocant, Montis Serrati, Avenionie impressæ, cum aliis pro Animabus Christi Fidelium defunctorum, impressæ Matriti 20. Julii 1606. A Paulo V. cantantibus hymnum, te Matrem Dei laudamus, te Mariam Virg. confitemur &c. Vel si die Sabbati intererint cum idem canitur: Et Coronis, Rosariis, imaginibus & numismatibus, quæ Medallias appellant, ab eo benedictis, Federico Cardinali Borromæo supplicante Anno 1611, dum Ecclesia Romæ in honorem Sancti Caroli edificaretur: & ab eodem Paulo & Gregorio XV. dicentibus, Si lodato il Sanctissimo Sacramento, Laus Sanctissimo Sacramento. Ab Urbano VIII. in honorem ejusdem Sacramenti, precibus Cardinalis Magalotti: & Sacerdotibus, celebratâ Missâ, dicentibus, Ave Filia Dei Patris, Ave Mater Dei Fili &c. A Clemente X. recitantibus mane, meridie, ac vespere conseruam Antiphonam, Angelus Domini, &c. & in fine, Deo gratias & Mariæ: Ad demum alia à nonnullis Romanis Pontificibus tributa, ut ajunt, Coronæ Mysteriorum Passionis Domini nostri Iesu Christi prece Magni Duci Etruriae.

Talis Indulgientia Sodalitatis Sancti Nicolai, quæ, repetita quinques Oratione Dominicâ, & Salutatione Angelica, unam liberari animam quolibet die à Purgatorijs penitus affirmant. Tales aliae Perusi Confraternitatis Sanctorum Sebastiani, & Rochi, & Roma Societatis Sancti Bernardi ad columnam Trajani: tales demum aliae Crucis signatorum Sancti Eustorgii Mediolani, Ariminii, & Bononiae.

Eius generis sunt & illæ concessæ, ut ajunt, Capella Rosarii in Ecclesia Sancti Antonii de Rovigo, seu Rodigii, vel Ecclesia Sanctissimæ Trinitatis Bergomi, aut Sancti Petri Montis Todoni in die Inventionis Sanctissimæ Crucis: vel gestantibus funiculum Sancti Francisci de Paula: vel celebrantibus Missâ Sancti Augustini, aut alias quinque in honorem quinque festivitatem Beatae Virginis, vel recitantibus Officium Sanctæ Francisci Romana, aut Antiphonam, o Pasio magna &c. in memoriam Passionis Iesu, aut Rosarium S. Annæ (quod congregatio Sacrorum Rituum non probat) aut orationem, quæ impressa cum imagine S. Annæ circumferri solet, Ave Gratia plena, &c. (quæ Oratio prohibetur) aut Officium Conceptionis Beatae Virginis Immaculatae, quod afferunt à Paulo V. probatum fuisse, aut orationem, Deus, qui nobis in Sancta Synode, &c. (excipitur Indulgientia centum dierum anno 1671. concessa precibus Duccissæ Sabaudiae ad annos 25. cunctis in illius ditione degentibus) aut aliam, Ave Filia Dei, &c. post communionem recitandam, vel aliquo conspicuo signo venerantibus SS. Eucharistie Sacramenti Nomen; Indulgen-

tix rursus 8000. annorum veteri de Tabula exscriptae, quam in Basilica Lateranensi assertari affirmant, pro dicentibus Orationem illam verè piam. Deus qui pro Redemptione mundi, &c. Tum quæ impressæ fuerunt Papie anno 1670. sub hoc titulo, sommario delle Indulgenterii concessæ della Santità di nostro Sig. Papa Leone X. all' Imagine della concezione della gloriofa Virgine Maria, vel Piscis sub nomine B. Joannæ, anno 1608. evulgata, vel Barletta, seu Baruli à recitantibus quasdam, non sane malas Orationes, lucranda, vel Parmæ à visitantibus per quadragesimæ dies Ecclesiæ Tertiæ Ordinis S. Francisci, vel Pistorii, & Raftallæ à recitantibus Orationem, Ave Sanctissima Maria, Mater Dei Regina Cœli, &c. Et alia in peculiari libro impresso descriptæ, quibus frui dicunt devotos Seraphicos, & Benefactores.

His numerandæ sunt, quæ Crucibus Caravensibus tributas dicuntur, vel Coronæ seu Stellario Conceptionis Virginis Immaculata, quod ex duodecim globulis precariis constat, vel granis, crucibus, & Coronis Aloysia ab Ascensione Hispanæ Monialis Ordinis S. Clare, vel mensura altitudinis Iesu Christi Domini nostri, vel imaginis, aut mensura vulneris lateri ejus inficti; vel orationi, ut ajunt, in sepulchro Domini nostri reperte, & Indulgenterii, ut ajunt, innixa revelationi facta Sanctis Brigitte, Mechtilde, & Elisabeth, vel Beatae Joannæ de Cruce, & concessæ, ut afferunt, granis, quæ aliquod ex tribus granis retigerint extantibus penes Romanum Pontificem, Hispaniarum Regem, & Ministrum Generalem Fratrum Minorum Observantie S. Francisci.

Omnis verò, & singulus jam dictæ Indulgenterias Sacra Congregatio partim esse confitit, & plane falsas declarat, partim apocryphas, vel ex alio capite nulla, que nemini suffragari possunt; easque in futurum ullo loco, ut vera publicari, & lucrandas Christi fideliibus proponi vetat; foliaque, & libros, ubi sic proponuntur, seu afferuntur, omnino precipit aboliri, nisi predictæ Indulgenteria fuerint diligenter expunctæ; nec ideo tamen vult alias, quas hoc decretum non continet, pro veris, & legitimis, taciteque probatis haberi.

Ac demum omnes Indulgenterias concessas ante Decretum Clementis VIII. latum die 9. Januarii 1597. Coronis, granis, seu calculis, crucibus, & imaginibus Sacris, vel ante breve Pauli V. quod incipit Romanus Pontifex &c. editum 23. Maii 1606. personis Regularibus quarumcumque Religionum, & Ordinum, etiam Mendicantium, velante constitutionem 115. Clementis VIII. cuius initium, Quæcumque &c. & 68. Pauli V. incipientem, Que salubriter, &c. habitas per aggregrationem, vel aliam communicacionem ab Archi-Confraternitate ulla, Ordine, Congregatione, Societate etiam Jesu, Capitulo, vel Cœtu quocumque, vel ab eorum Officialibus, Superioribus, aliisque personis, vel persona etiam si corum, vel ejus mentio specialis & individua facienda esset, nisi fuerint deinde Romani Pontificis auctoritate innovatae, aut confirmatae, nullius esse roboris, & momenti pariter declarat.

Porrò Summa Indulgenteriarum pro Congregatiibus Doctrina Christianæ, Confraternitatibus Sanctissime Trinitatis, & Redemptionis captivorum, nominis Dei, Rosarii B. Mariæ de mercede captivorum, Mariæ de Monte Carmelo, Cincturæ S. Augu-

stini & S. Monicæ, nisi ab eadem Congregatione cognita, non permittuntur.

Indulgenteria verò Stationum Urbis, quæ à Romanis Pontificibus singulari quodam beneficio vel communicata sunt, vel communicabuntur interdum aliquibus locis, ordinibus, aut personis, diebus tantum stationum, in Missali Romano descriptis suffragari posse declarat: scilicet autem dumtaxat in die Panarium Indulgenteriam in certos dies Ecclesiam visitantibus concessam, vel aliud prius opus peragendum lucrificari.

De quibus relatione facta per Secretarium ad Sancta Sanctorum sua probavit, & inviolate servari posset. Datum Roma 7. Martii 1678. Aloisius Cardinale Homodeus. Loco † Sigilli, Michael Angelus Rector Secretarius.

Die 12. mensis Martii 1678. supradictum Decreto affixum, & publicatum fuit ad varias Curias in variis campi Flore, ac aliis locis solitis, & consuetis Urbi me Rochebum de Stephano SS. Domini nostri Papa Cy. Laurentius Segnus Magister Cursorum.

Annotation ad precedentia.

Hic accuratè observandum, Primo, cuius Temporis, Loci, aut Personarum, Indulgenteria abrogata, ne alia quæ apparere possint illis simile, pro revocatis accipiuntur. Secundo, observandum clausula exceptiva, quæ circa finem adduntur: Nisi fuerint deinde Pontificis Romani auctoritate iusta, aut confirmata: Item: Nisi ab eadem Congregatione recognita non permittuntur. Possent enim exiliisdam à sancta Sede denuò confirmatae, aut inacognitæ, suum valorem, & robur obtinuisse.

Edita est pridem Bulla à Sixto V. anno 1606. vocans Indulgenterias Regularibus pro ipsis concedas, & novas earum loco substituens, quas accuratè fert, & explicat P. Matthäus de Moya in celestium Questionum parte altera recentiori, Diff. + Ques. Plura si quis scire velit de hoc Autore, virtute prædem & doctrina celebri, & Serenissima Hispaniarum Regina Mariæ Anna à sacris Confessionibus, collere poterit recentem Tractatum à Daniele Campi diligentemente elaboratum.

CAPUT VIII.

Praxis & forma Hereticos Ecclesia Catholica reconciliandi.

Primò, Si hereticus, qui cipit reconciliari fidei, habeat justam causam dubitandi, an inter haeresis validè baptizatus, debet ante omnia Baptismus illi sub conditione conferri, cum hoc fieri. Si non es baptizatus, ego te baptizo in nomine Patris &c.

Secundò, Si Sacerdos, qui hereticum reducit, non habeat facultatem extraordinariam, quæ requirentur absolvendum ab haeresi, debet cum remittere ad Episcopum, vel alium qui tale privilegium habet, ut ab haeresi, & excommunicatione illi adjuncta absolvatur.

Tertiò, Debet instrui in punctis fidei, preferum contentis in Symbolo Apostolorum, & in principiis Anticulis, in quibus antra dissidebat ab Ecclesia Romana: quos invenies explicatos supra Tom. I. in Parte II. controversiarum fidei.